

建寧府志卷之九

學校

社學附

學校之由來尚矣建之學校嗣美鄒魯者豈非游胡劉朱諸君子皆以理學文章顯耶

皇清五十載

今上右文重道學校書院各有

宸翰表章加以郡縣賢侯修葺徙建建之人士成人有德者亦復小子有造殆颯颯乎海濱鄒魯漸還其舊矣志學校

建寧府志

卷之九

學校

二百八十八

建寧府儒學在府治東北中和坊黃華山之支隴二三皇堂故址按舊志唐常袞為福建觀察使始教閩人以學時未有學校之制至宋寶元十一年始詔建州立學賜田五頃贍士熙寧間設教授一員時學在郡治南趙氏坊文廟在建溪門內之東元豐中賜田至十頃崇寧大觀間行舍法生徒衆盛增至三百餘間建炎燬於兵郡守劉子翼重建學舍并立文廟於學紹興十四年學圯於水禮殿獨存十五年守張銖漕使徐璘

馬純合請於朝得錢二十萬庀工重建郡人范

寅秩繼領漕事踵而成之前為禮殿及兩廡後

為明倫堂列十二齋東進德博文力行彙征揚各升俊西尚志美身義榮

達善堂之北構御書閣倉庫厨涵解舍咸備胡

作守陳正同又於堂之左右建胡文定游御史

祠詳見古蹟守范致虛又立碑載七邑衣冠爵里姓

名於其上碑淳熙十一年守趙彥操重修廟學

又設九位以列諸經諭闢射圃於西序隙地守

黃適葉時相繼葺治時又增闢小學真德秀作記端

建寧府志

卷之九

學校

二

三百六十七

平二年復燬於兵惟禮殿及數齋僅存守姚瑤

重建明倫堂劉克莊作記嘉熙中漕使王伯大重建

御書閣閣下祀游胡諸賢郡守黃壯猷又撤殿

宇重新之淳祐初漕使方大琮更議右廟左學

前殿後閣之制以付博士趙陞夫乃為殿於學

西又明年建尊經閣安撫徐清叟漕使項寅孫

庾使李昂英趙綸蔡籥守王埜王拯皆捐金以

相其役直北建紫芝堂又建明倫堂堂後構閣

列十齋修身誠意正心格物致知篤行明辨慎思審問博學王遂作記後歲久

傾圮元泰定二年伯顏帖木兒大中重新創建

後齋舍災守暗都刺重建列三齋守中進德育材至正

二十年參政阮德柔因舊重葺明洪武六年教

授周斌又加修治遵定制為四齋東曰志道日

仁曰游藝十九年建安知縣余子恭立朱熹祠於尊

經閣後而以蔡元定真德秀劉焞黃幹四先生

配之二十三年欽降大成樂器三十四年夏學

燬於火永樂初知府芮麟教授張信奏遷今所

而將士室廬據其半都指揮師祐徐信遂撤其

建寧府志

卷之九

學校

三

三百四十六

居以地來歸麟乃庀材鳩工命檢教李新董役

士民亦多捐貲樂助者未幾知府劉敬繼至役

乃告完楊榮作記前為二坊左曰金聲右曰玉振次為學門門

內東為文昌祠明為青雲樓西為鄉賢祠即舊尊賢

故址中為泮池池上有橋橋北為儀門門後屬

以兩廡中為甬路以達明倫堂堂之後為藏書

閣閣下為集賢堂今為教授衙兩廡東西為志道據

德依仁游藝四齋齋俱南向堂之西為饌室東為號

舍廩庖及訓導解舍

文廟在學之左前爲櫺星門次爲戟門戟門後珥
兩廡中爲大成殿殿後爲尊經閣閣下爲春風
堂成化十七年災弘治二年知府劉璵撤明教

堂材重構

羅景
作記

本朝順治五年

聖殿燬惟戟門尙存八年學道閔度巡道黃鼎象
同知潘沂訓道黃中燬各捐貲重建甲寅之變
殿宇燬塌康熙二十年督學楊鍾岳知府范承
訓同知紀振乾通判秦紹美捐俸重修三十一

建寧府志

卷九

學校

四

三百十二

年二月大風 聖殿復壞知府張琦捐倡同知
劉邦彥通判來式銓知縣李和雨鄧其文劉鴻
誥楊雲鵬金耀沈煥李仙品呂方高縣丞焦湘
王仕俊教授蔡登龍訓導朱弼建安教諭施德
馨甌寧訓導洪達各捐俸重修煥然一新

明倫堂順治十一年四月初六日風雹大作明倫
堂傾十七年按院李時茂推官孫開先王嘉生
訓導林燧重建後復頽壞康熙四年學道陸求
可率屬重修十九年教授郭萬完鳩衆重葺明

倫堂啓聖祠兩廡櫺星等門

文廟

啓聖祠 康熙四年訓導鄭蕡重建

明倫堂 在聖殿右順治五年燬八年學道閔度倡建十一年毀康熙三年訓導鄭蕡倡建

尊經閣 舊在文廟之後順治五年燬康熙二十二年九月建安知縣張大典捐貲重建於明倫堂後並

塑大魁像

東西齋 順治五年燬址存

射圃 明成化二年知府劉鉞割廢倉基為之按舊志在府治東南即府學故址正統間以其地為甌寧縣學後改今所圃中為興讓亭嘉靖戊子巡按御史聶豹建順治五年廢址存

建寧府志 卷之九 學校 五

青雲樓

在文廟東明萬曆二十八年知府朱汝器教授韓士元創上祀文昌又割射圃地六尺闢青雲路邑人柯

挺作記見藝文志

名宦祠

鄉賢祠 以上二祠三年訓導鄭蕡鳩鳩鄉賢後裔捐銀創建於文廟東隙地合祀名宦

祭器

大銅香爐一個 大銅花瓶一對 大錫燭臺一對 對粧金蓮花二把 紅紵絲帳幔伍副 滿堂紅一對 木香爐伍個 銅酒樽二個 銅儀樽一個 銅象罇一個 銅兎罇一個 銅盃盆二個 銅簋盆八個 銅爵一百四十個 銅簋豆十六個 銅和羹碗十個 錫爵三十五個 錫和羹碗五個 錫毛血盆十個 中銅香爐四個 中鐵香爐七個 小鐵香爐六個 木燭架三十個 帛盆十四個 木籩豆

樂器

一百七十個竹絲籩豆一百七十個紅棹
大小三十張盛猪合扇十四個今俱無存
鳳簫二把長簫四把塤二個篪二個笙四把
笛六管琴六張瑟二張祝一個鼓一個銅鐘
十六個石磬十六個拊鼓二個大鼓一面執節
絲鬚二副麾旛一面流蘇八條樂舞生巾八
十頂樂生青絹員領四十二件樂生機布青衣
三十八件絲絛四十二條龍笛三十八副明萬
曆四十五年知府方向恂考樂舞
生時樂器尚存今順治五年俱燬

學田

三學公用田租

明萬曆三十八年同知陳見龍奉
提學道熊尙文捐贖銀二百兩置
田六十三畝七分四厘六毫歲徵租銀一十九
兩八錢四分徵貯建安縣庫除春秋祭期每次
支銀二兩輪委訓導一員致祀清芬館李見羅
先生餘銀供應諸生會課三十九年又奉分守

建寧府志

卷之九

學校

六

五頁六

帶管兵巡道叅議吳中偉捐銀一百二十一兩
零置田二十五畝三分五厘五絲五忽各佃歲
徵員苗米共四十五石五斗五管

府學田

巡道田凌官置田十六畝零又置房十一
間地三片鄧美政置田十五畝沈傑於置
田十二畝零知府邵廉置田三十七畝三分又
撥入官田四十二畝零龔道立置田四十畝零
朱汝器置田二十畝零共田一百八十三畝零
歲共租入銀六十六兩二錢零房租地租歲入
銀二兩七錢零知縣易應昌置田十畝歲徵租
銀三兩零鄉官教授黃廷榜捐田七畝內三畝
歲徵租銀伍錢五分更四畝歲徵租銀一兩四
錢四分本朝順治五年學舍灰燼冊籍無存
僅查得明季知府朱汝器許時謙教授周弘暹
捐置學田六寸畝二分四厘一毫六忽六微三
纖八渺九塵科民米三石一斗五升年徵銀三
十一兩三錢七分二厘五毫原為致祭先聖

生歿兩忌並月課賑給貧生等用順治十四年奉文行查准賑給貧生銀一十五兩更租銀一十六兩三錢七分二厘五毫裁解布司克餉本朝康熙二十一年總督部院姚啓聖捐銀一百兩擇買民田大苗米四十籬九斗五管計產二十七畝六分科民米一石四斗二升四合五勺二抄八撮七圭六粟三粒詳府以民米五斗四升七合三勺零收入建安縣新立姚興儒戶以民米八斗七升七合二勺零收入甌寧縣新立姚興儒戶內除納正供外餘給貧生內教諭王錫道捐銀二兩三錢七分五厘附置在內三十年督學道高日聰捐銀七十兩擇買民田大苗米廿八籬一斗五管計產二十八畝七分民米九斗五升七合零附寄甌寧縣黃昌祥戶內除納正供外餘貯學倉為義學生徒會交午飯酒蔬之資教授蔡登龍捐銀二兩三錢六分置厰一口收貯租米

建安縣儒學在縣治北其地乃建陽衛故址按舊

建寧府志

卷之九

學校

七

四百六十一

志宋熙寧三年遷建安縣治於甌寧縣故址在

寧遠門側時學居縣治門外之東建炎燬於寇

以學基置丞廳而附學於郡學慶元三年知縣

俞南仲乃建學於寧遠門外社稷壇之右元至

正間燬於兵明洪武初因舊址重建十一年知

縣裴珏始遷於府治東南登俊坊即屏山書院

故址永樂十四年秋七月圯於水十七年知縣

徐琮重建正統四年縣丞楊敞重建九年知縣

胡欽踵成之成化二年知府劉鉞市學旁隙地

以廣學基弘治五年知府劉瑛建二坊於學前
之左右按察司副使楊澤揭扁曰儲英擢秀嘉
靖元年教諭許相以爲廟學地勢窪下率生徒
白於巡按虞守愚以學在郭門外遷於今所立
文廟於明倫堂之西爲楹五兩廡之楹各倍之
南爲戟門又南爲櫺星門北建御製敬一亭內
勒鐫五箴廟之左爲明倫堂楹有五東西爲序
楹亦各倍之南爲門門南爲泮池梁以石橋橋
南榭之棹楔堂北左右爲居仁由義二齋齋之

建寧府志

卷二十九

學校

八

三百三十一

云

左右爲舍十有二堂之左爲廨舍三區建二坊
於學前左右扁曰興賢育才嘉靖十六年巡按
御史白賁建寧道僉事汪佃知府夏玉麟建啓
聖祠及尊經閣於明倫堂之北嘉靖壬戌後科
第晨星萬曆四年教諭施仁以學之右爲行都
司其勢高昂於左建青雲樓以敵之鑿一井以
宣氣脉又採輿論建循吏符驗祠春秋致祭萬
曆庚戌教諭郭際美重修儀門碑坊青雲樓辛
亥知縣仙克謹建名宦鄉賢兩祠於櫺星門內

本朝順治五年燬康熙三年知縣余光魯重建

文廟

知縣余光魯重架規制未備康熙二十一年

知縣張大典捐俸倡修教諭林慶旺訓導陳志友署講學篆旣寧學教諭劉司直協同紳衿捐助修造三十二年知縣李和甫教諭施德馨捐俸倡紳

十重修

啓聖祠

順治五年燬康熙三十二年知縣李和甫教諭施德馨捐俸重建

明倫堂

順治五年燬知縣梁繩武教諭曾人龍率貢生滕峻生員張大紳等題助人龍捐俸

並建衙舍甲寅之變蹂躪不堪康熙二十一年知縣張大典重加修葺三十二年知縣李和甫

教諭施德馨捐俸紳士重修

東西齋

順治五年燬址存

射圃

在敬一亭後順治五年燬址存

建寧府志

卷之九

學校

九

五百三十一

青雲樓

順治五年燬址存

名宦祠

順治五年燬址存

鄉賢祠

順治五年燬址存

學田

明嘉靖間知縣符驗置田歲租銀八十一兩徵入縣庫學道支用萬曆間巡道沈徽煇置

田年徵租銀四兩五錢七分五厘屋三間半年徵租銀六錢五分知府邵廉置田三十五畝九

分零年徵租米六十三石七斗零朱汝器置田十畝年徵租銀三兩三錢二分同知陳一夔知

縣荆文華共置田八十畝年徵租銀一十九兩二錢萬曆四十年知縣仙克謹置田二十一畝

本朝順治五年學舍焚燬冊籍無存僅查得明季

知縣陳睿謨捐置學田原立陳鹿萃儒戶糧米三石歷年收租除完糧外餘銀二十九兩八錢

零為致祭先聖生歿兩忌賑給貧生等費順治十四年奉文行查止畱給貧生銀一十四兩

刺銀一十五兩八錢零通年裁解克餉歲數
徵荷賠頗累康熙二十一年總督部院姚啓聖
捐銀六十兩置買苗米二十四籬八斗又新丈
一畝六分科民米九斗四升九合五抄三撮二
圭三粟四粒新立姚興儒
戶除完正供外餘給貧生

社學三

一在興賢坊天王堂 一在叢桂坊以旌
善亭廢址改建今為游馬山祠 一在中

和坊紫霞洲街久為民居占明萬曆三十四年
知縣文立繕清出立扁久廢未舉知縣張大典
就於府學尊經閣延甌寧學教諭舉
人劉司直訓誨通縣儒童捐貲世給

甌寧縣儒學在府治南叢桂坊故府學址按舊志

宋治平間始立縣治於寧遠門側學在縣治之

左熙寧三年學隨縣省元祐間復治於朝天門

建寧府志

卷之九

學校

十一

四百六

外而學在縣門外之東建炎初燬於寇學附於

郡學慶元三年知縣劉唯然改創於縣西元因

之至元間復燬於兵縣徙城內而學遂廢明洪

武十二年知縣王迪復建學於城西敬客坊永

樂十四年圯於水正統十二年知縣焦宗周教

諭宋毓以學隔溪病涉白於知府張瑛奏遷今

所縱四十二丈橫四十四丈建置粗備而沙尤

寇作工遂輟景泰二年僉事曾蒙簡知府賀沈

重建大成殿前立戟門御史倪敬叅政趙象創

兩廡及櫺星門又建明倫堂於殿東列明善復
初二齋通判蕭環列會饌堂及齋舍倉庾於明
倫堂左教諭戴委創學門鑿泮池天順八年知
府劉鉞重建櫺星門葺明倫堂及齋舍歲久復
敝弘治五年知縣許胆重修改建櫺星門弘治
八年縣丞許訥重修明倫堂知府劉輿建二坊
於學前左右副使楊澤扁曰興賢拔萃建科貢
題名碑二亭於泮池左右正德八年提學副使
姚鎮改二齋扁曰居仁由義正德十年知府羅

建寧府志

卷之九

學校

十一

三百二十四

云

柔重造學門扁曰儒林嘉靖九年知府詹珪重
修是年建御製敬一亭於殿東內勒鐫五箴嘉
靖十五年知縣應鳴鳳拓明倫堂之耳房又創
造廨房及號舍射圃改學前二坊曰明道正誼
隆慶間知縣李應蘭改二坊曰成德逢材萬曆
十五年知縣顧允元重修二十六年知縣王玠
以文公書泮宮二字扁於門三十二年知縣駱
駿曾重修三十七年圯於水知縣易應昌修文
廟築四圍垣墻重建兩齋學東北隙地久爲民

所侵知縣陳英復而未竟崇禎五年聖殿兩廡
明倫堂悉燬知縣詹兆恒重建

本朝順治五年又燬知縣江中楫重建地勢卑下
屢遭水患康熙三十一年知縣鄧其文據紳衿
公呈通詳各憲咨 部擇舊衛故址改建

文廟 康熙十三年耿變殿廡毀傷廿年二月知縣張世偉教諭劉司道捐貲率紳士協助重修

啓聖祠 照舊 明倫堂 照舊

東西齋 照舊 射圃 在文廟右

青雲樓 舊在明倫堂左順治五年燬址存

建寧府志

名宦祠 照舊 鄉賢祠 照舊

學田 巡道沈傲价置田九畝二分三厘歲徵租銀四兩六錢六分六厘知府邵廉置田苗米五十籬零五斗歲徵租銀一十三兩三錢二分五厘朱汝器置田一十五畝九分九厘歲徵租銀五兩四錢同知羅紳置田一畝七分五厘歲徵租銀八錢知縣易應昌置田一十九畝七分五厘歲徵租銀五兩七錢

本朝順治五年學宮灰燼冊籍無存田額無可查考前教諭丘錫李日登前後細查僅查得豐樂高陽所存學租歲徵租銀一十八兩九錢五分二厘為致祭先

聖生歿兩忌賑給貧生等費順治十四年奉文止畱賑給貧生銀一十一兩剩銀七兩九錢五分二厘正裁克兵餉或遇歲歉無徵荷賠頗繁

木朝康熙二十一年總督部院姚啓聖捐銀六十兩置買學田計苗米二十五籬三斗七管半二丈銀九分八厘科民米九斗一升七合六勺二

隄七圭六粟四粒新立姚典儒
戶除完納正供外餘給貧生

社學七

一在尚書坊普照堂一在純孝坊朝天坡
一在尚書坊鏡架巷俱明正德元年建一
在尚書坊豆腐巷明嘉靖元年建一在城西移
忠坊廢河泊所嘉靖十四年知縣應鳴鳳改建
一在隆禮坊馬軍營圓通堂以上社學六所久
為民占居萬曆三十四年知縣駱駿曾清查暨
扁一在大中寺舊址久廢本朝康熙二十六
年知縣鄧其文就守備司故址創建擇師厚脯
一郡之中童冠來學者日以益衆又於社學之
西大建講堂以祀建郡諸儒賢旁植花木以為
建士講學
修業之所

建陽縣儒學在同由里負環峰而面雲谷按舊志

在縣治西棲隱寺故址建炎間燬於兵朱熹蔡

建寧府志

卷之九

三

四百二十六

元定議易同由護國寺未果嘉定間劉煥及熹

子在具顛末以請如議移建知縣趙與珣董役

王遂作記知縣王屋增學田元至元二十二年

見藝文縣尹陳天錫重建揭文公所書明倫堂三字於

楹張復作記明洪武二十八年主簿丘松因舊重建

永樂十四年圯於水惟大成殿明倫堂尚存十

六年訓導董鏞重建兩廡十七年縣丞趙壁發

諭潘凱重建兩廡洪熙元年知縣徐鐸重建戟

門宣德四年知縣張光啓市地以廣學基

大成殿正統四年邑人府經歷劉童以明倫堂逼近禮殿謀於知縣王原善改營之正統八年教諭王箎重建具祭器祭棹十二年典史錢象增建饌堂成化九年御史李釗學道游明以學隔大溪每水漲艱於往來仍徙棲隱寺故址

海澄

作記十一年知縣項旻增置宦解十八年知縣汪

津增修成化十九年建射圃在縣學之前正德八年御史李如圭改復朱文公所議舊址知縣戚雄訓導劉良能董其事仍置學田正德十五

建寧府志

卷之九

學校

古

三百五十八

年知縣邵幽增田一百畝嘉靖三年知縣項錫於櫺星門外為泮池池外為龍門九年知縣薛宗鎧申撥廢福寺租米二百二十一石建御製敬一亭於殿西內勒鐫五箴嘉靖丁酉分巡道汪佃以今學非朱子昔日改立規制自於御史李元陽檄委知縣李東光將殿堂閣宇改移東北而面南向嘉靖壬戌遷在溪之護國寺萬曆丁亥教諭鄧以誥移建今所中為先師廟東西兩廡前為櫺星門門之左右附鄉賢名宦

二祠又前為泮池殿後為尊經閣為啓聖祠祠前為明倫堂兩廊為居仁由義二齋南為儀門又南為大門傍建文昌祠祠右為敬一亭總扁其門曰濯錦清署東西列騰蛟起鳳二坊萬曆已酉水廟堂齋無墻垣俱壞署印推官商之相重修崇禎間知縣沈鼎科黃國琦相繼修葺

文廟

照舊

啓聖祠

照舊

明倫堂

照舊

建寧府志

卷之九

禮

五

二百八十八

云

四賢堂

朱文公記今廢

晦菴祠

真德秀記今廢

射圃

照舊

名宦祠

照舊

鄉賢祠

照舊

學田

本縣舊學租田苗米一百六十五石零係義民趙恭等輸入候學道公費支用明萬曆丙

申年知縣魏時應置田五十九石五斗義民劉有延輸田一百石送學公用本朝康熙二十

一年總督部院姚啓聖捐銀五十兩置買學田計苗米五十四石三斗科民米一石九斗四升

三合新立姚興儒戶完正供外餘給貧生

前學 一在駐節門 一在四由里 一在三桂里
水東康熙二十七年知縣李六成重建

崇安縣儒學在縣治與賢坊之右按舊志莫詳建
置之由宋紹聖二年知縣王當重建崇寧間知
縣祖文增新之留正臣趙彥繩鄭思他輩相繼
修葺咸淳元年知縣劉漢傳重建至元間縣尹
張茂始建殿廡至治間縣尹劉沅祖立二坊於
學之前至正間縣尹彭庭堅重修燬於兵明洪
武四年知縣徐得等重建永樂十一年縣丞楊
以章教諭章皞等重建十三年知縣趙麟等相

建寧府志 卷之九 學校 六 三百五十一

繼成之正統十一年縣丞李幹教諭劉良等重
創景泰間藩幕謝瑩易民居為射圃嘉靖十四
年知縣邵德夫教諭胡希定等請於御史白賁
改建於營嶺之麓南向壬子叅議丁以忠議改
東向與原學相去三百餘步萬曆戊申知縣虞
大復採輿論改遷舊址左文廟右儒學廡舍之
類如制建坊於通衢扁曰閩邦鄒魯列先儒名
其下左右翼以兩坊臨文公文章萃國詩禮儔
家宇蹟額其上崇禎壬申知縣郭之祥遷於北

門牛氏巷重建兵燹之後俱已頽壞

本朝康熙二十二年知縣金章教諭危世美捐俸
重新二十九年知縣楊雲鵬教諭鄭瓚訓導唐
仁永同捐俸修

文廟

照舊

啓聖祠

照舊

明倫堂

康熙二十一年教諭危世美捐俸重修

射圃

照舊

名宦祠

照舊

鄉賢祠

照舊

學田

明嘉靖間廢興福寺田二百畝歲租銀四十兩三錢又廢東岳廟田二十畝地屋十間

建寧府志

卷之九

學校

七

三百五十一

其租銀八兩生員虞大經置學田四十畝歲租銀兩俱徵縣庫隆慶六年置田每年租米五十四籬零萬曆十年置田歲租米五十石五斗五升三十九年鄉官岡卿黃大年捐田一百零五石三斗助學賑貧公用
本朝康熙二十一年總督部院姚啓聖捐銀五十兩置買學田計產四十畝新立姚興儒戶又知縣金章捐銀二十四兩置買學田計產一十九畝二分除完納正供外餘給貧生

社學三

一在仁義坊一在美俗坊一在興賢坊

浦城縣儒學在縣治北隅皇華山麓即天心寺故址按舊志學去縣治東南一里莫考創置之始自宋慶元來已在今所元燬於兵至正二十一

年縣尹吳鏊重修明洪武元年知縣張鵬舉重建大成殿及兩廡七年知縣宋性建戟門十二年知縣張宗顏建明倫堂於殿後二十三年知縣史志可等鑿池橋其上建櫺星門三十二年教諭來守弘闢學東隙地爲神主宰牲房宣德六年知縣周原慶葺兩廡及兩齋正統九年知縣甘棨重修作亭於鳳池之上天順三年推官胡緝重建兩齋知縣張昂重建東廡立進士題名碑正德十六年御史沈灼以學宮迫狹委知

建寧府志

卷之九

學校

十九

縣周南土地遷皇華山麓嘉靖二年御史簡霄復出公帑買學前民地而拓廣之建寧道王庭再闢民地於皇華山後建殿廡戟門石櫺星門明倫堂齋房亭所池橋號廡嘉靖十六年教諭余永麟重建御製敬一亭內勒鐫五箴嘉靖九年知縣陳思謙建啓聖祠在訓導衙右三十三年署印推官嵇汝沐教諭陳元藻建書室於明倫堂後崇禎十六年知縣劉明孝闢學前基弘敞與學宮稱本朝順治三年知縣李葆貞

櫺星門改濬頰池石橋建屏牆以大規制自改
移以來大失地利甲科寥寥康熙三十一年邑
庠生孫詔潘桂等呈請知縣何三臺通詳各憲
咨部移復署知縣事與化府同知趙世安教諭
彭銘併伏羲紳士捐貲改復舊址仍以皇華山
麓爲天心寺

文廟 明倫堂左

啓聖祠 在大成殿後

明倫堂 泮池上

射圃 照舊

文昌祠 在明倫堂右

名宦祠 在啓聖祠左
鄉賢祠 在啓聖祠右

建寧府志

卷之九

學校

十九

學田 原田九十九石五桶年徵租銀一十九兩九錢係本縣追征支用知府邵廉置田二頃共

租六十一石年徵租銀一十二兩二錢更學地租屋租共納銀二兩五錢貢生徐道南撥田二百折實八十桶年徵租銀兩俱充學公用

本朝康熙二十一年總督部院姚啓聖損銀五十兩置買學田計產三十一畝五分八厘二毫三絲一忽新立姚興儒戶收穀五十六担除完納

正供外餘給貧生三十三年邑庠生十六人共捨市田三十五石奉祀文昌春秋兩祭之

需其田每人自行輪官糧照科輸納

社學五 二在縣東隅二在縣西隅一在縣治大市俱嘉靖七年知縣陳思謙建

松溪縣儒學在縣治之西即普載寺故址按舊志在縣治之東宋開寶八年肇建景祐間徙南山

之陽乾道九年縣令尤杲仍遷舊所淳熙十年

縣令王杲教諭李礪增修紹興間縣丞林俊卿

增學田以贍士元至大三年縣令李榮昉重改

拓之李瑛為記十二年燬於兵十四年縣令凌悅一

新舊規黃潛為記明洪武初有司奉詔修飭永樂五

年知縣曹惟忠復修葺之宣德間縣丞蔣繼成

重建兩廡學門正統十一年知縣張紳縣丞范

秉和去故址十餘步重建嘉靖元年學道邵銳

白御史聶豹改遷今所僉事張儉作記十二年奉制建

建寧府志

卷之九

學校

千

三百五十一

御製敬一亭明倫堂之東內勒鐫五箴十四年

巡道王庭以儀門湫隘檄知縣黃金買民基益

之二十四年燬參議柯喬僉事戴鯨檄縣令錢

復遷舊學址堂居廟北王慎中龔用卿有記萬曆四年

知府許天賜檄縣令戴鏗重修三十二年知縣

華士嶠構啓聖祠四十八年知縣徐景麟修崇

禎十七年知縣錢嘉徵署縣事丁辛更製廟主

建魁星樓

本朝康熙二年知縣董良楨新翼門十六年知縣

馬雄俊捐俸重修

文廟

照舊

啓聖祠

照舊

明倫堂

照舊

射圃

舊在縣治東隅東麓宮之東今隨學立建

名宦祠

照舊

鄉賢祠

照舊

學田

紹興間縣丞林俊卿設立年久寢為民有明萬曆間貞節葉氏陳氏捐田共計六十八畝

五分零年收租銀一十八兩四錢零萬曆三十七年知府張璇知縣劉一燦增置田共計五十五畝

本朝康熙二十一年總督部院姚啓聖捐銀四十兩置買學田計產二十七畝一分零

新立姚興儒戶除完正供外餘給貧生

社學四

一在青秀坊 一在慈善坊 一在崇道坊 一在永慶坊俱燬 本朝康熙三十

建寧府志

卷之九

學校

三

三百五十九

年知縣沈煥重建

政和縣儒學舊在縣西宋紹興二十年縣令趙伯

果遷於東明洪武七年訓導余應率其徒捐貲

重建殿廡戟門十一年重建明倫堂兩齋十七

年訓導章邦彥建光霽亭於明倫堂之後二十

四年教諭劉彥行增建庫厨宰牲房三十五年

典史郭斯厚教諭王守約協謀拓舊址重建齋

堂永樂元年知縣黃裳改光霽亭為先賢祠景

泰四年副使沈訥重建齋廡天順二年復建堂

齋七年御史伍驥命知府劉鉞重建殿廡於明倫堂之南成化七年學道游明建尊經閣於明倫堂北十三年游明與叅政劉觀叅議裴衷重建戟門弘治十四年知縣洪貫重建聖殿及兩廡門學門正德六年知縣張萱建養賢堂於明倫堂後嘉靖九年分巡道張儉以按察分司作明倫堂其舊殿廡移東北而拓新之張儉作記廩米倉在明倫堂左射圃在縣治南飛鳳山之右內建觀德亭亭之後為室以藏弓矢成化十六年

建寧府志

卷九

學校

三

三百五十一

縣丞沈清重建御製敬一亭萬曆八年僉事張

對巡縣相視形勢改建今所知縣章國舜成之中為大成殿東西兩廡前為戟門名宦鄉賢祠在門左右又前為櫺星門殿後為啓聖祠東為明倫堂左右庫房并兩齋曰時習曰會饌前為儀門又前為泮池又前為學門文昌祠在明倫堂後右為教諭廨訓導廨在二門之左

本朝順治十四年知縣陳大範重建大成殿

文廟

照舊

啓聖祠

照舊

明倫堂

照舊

射圃

照舊

名宦祠

照舊

學田

縣志載明隆慶五年知府邵廉置田四十二畝九分年該租銀八兩二錢除糧差外實收

租銀五兩五錢本學自行支給萬曆間教諭吳主恕與訓導吳光傳爭收申報學道遂歸諸縣而府志載署印本府通判于玉德置田三十四畝五分除納糧入歲租一十二石八斗零以七石二斗七升供諸生會科餘給貧生本朝康熙二十一年總督部院姚啓聖捐銀四十兩置買學田鄉例一千四百五十把科民米二石一斗七升五分新立姚興儒戶除完納正供外餘給貧生

壽寧縣儒學在縣治東景泰六年與縣治同時肇

建寧府志

卷之九

學校

三

三百八十九

云

建中為大成殿前東西為廡前中為戟門又前

為櫺星門殿後為明倫堂堂之右左為進德齋

右為修業齋齋之南為諸生學舍堂後為養賢

堂

周序作記

王其事者僉事沈訥始終經理之者知

縣陳醇王簿史立正始領教事者教諭彭璉訓

導周序廩米倉在後堂之東成化間學道周孟

中割分司西隅隙地為射圃制猶未備正德間

知縣尹袞改修之嘉靖間闢明倫堂後地建啓

聖祠知縣張鶴年以布政司分隙地益之右為

先師廟為東西廡為廟門為櫺星門左前為明倫堂堂下為東西齋前為儀門又前為儒林門凡廨倉庫厨俱備崇禎間知縣馮夢龍重建學門移前十餘武遷泮池於內架石為梁造櫺星門又於學門外設木屏以便行者 本朝順治九年知縣饒崇秩移建於明倫堂之舊址知縣李滋生建鄉賢祠

艾廟

照舊

啓聖祠

照舊

明倫堂

照舊

建寧府志

卷之九

學校

孟

三百三十三

射圃

名宦祠

俱照舊

學田

明隆慶間知府邵廉置田五畝歲徵租銀二兩萬曆又置二畝二分歲徵租銀八錢八分

學道胡定以府斷上地菴田一十六畝年徵租銀三兩二錢巡道漆彬斷田六畝年徵租銀一兩八錢知縣張光世置田九畝四分歲徵租銀二兩 本朝康熙二十一年總督部院姚啓聖捐銀四十兩置買學田鄉例共收穀四百貫科民米二石六升一合又教諭王錫貞捐銀八兩置買學田鄉例收穀八十貫科民米六升 新立姚興儒戶除完納正供外餘給貧生

社學一

在縣治東知縣陳庠建

建寧府志卷之九終